



Broj: **03/1-50-14-7-47/18**

Sarajevo, 15.5.2018.

**PREDMET:** Informacija o obavljenoj radnoj posjeti Glavnom sjedištu Službe za poslove sa strancima, Sarajevo, 14.2.2018.

Dana 14.2.2018. članovi Zajedničke komisije za odbranu i sigurnost BiH posjetili su Glavno sjedište Službe za poslove sa strancima Ministarstva sigurnosti BiH.

U delegaciji Zajedničke komisije bili su: Sifet Podžić, predsjedavajući, Borislav Bojić i Borjana Krišto, zamjenici predsjedavajućeg, i Bariša Čolak, član ZK.

Sastanku s članovima Zajedničke komisije u Glavnom sjedištu Službe za poslove sa strancima prisustvovali su: Slobodan Ujić, direktor, Mirsad Buzar, zamjenik direktora, Grenko Arapović, pomoćnik direktora, te njihovi najbliži saradnici iz menadžmenta.

Ova radna posjeta obavljena je u skladu s Godišnjim planom rada za 2018. godinu.

Posebno se razgovaralo o trenutnim aktivnostima Službe, aktuelnim problemima u vezi s povećanjem broja ilegalnih migranata, pokušajima nelegalnog prelaska granice Bosne i Hercegovine, kapacitetima Službe i spremnosti njenih struktura da odgovore izazovima koje povećan broj migranata i ilegalnih prelazaka uzrokuje.

Direktor Ujić i njegovi saradnici prezentirali su sadašnje probleme i pravce koji su evidentirani kao najčešći i najfrekventniji za ulazak ilegalnih migranata kao i potencijalne kapacitete za njihov smještaj. Istakli su i značaj dobre saradnje sa sigurnosnim i policijskim agencijama u Bosni i Hercegovini te sa susjednim zemljama i njihovim nadležnim i komplementarnim službama.

U razgovoru s čelnim ljudima Službe za poslove sa strancima članovi Zajedničke komisije bili su u prilici da se uvjere u ozbiljan pristup Službe i drugih nadležnih institucija BiH problemima koje proizvodi povećan broj ilegalnih migranata.

U vezi s tim, razgovarano je o sigurnosnom i humanitarnom aspektu krize s kojom bi se naša država eventualno mogla suočiti.

Nakon sastanka zaključeno je da nadležne službe i Služba sa poslove sa strancima uspješno i krajnje odgovorno upravljaju migracijama. Ukazano je na činjenicu da je potrebno kontinuirano popunjavati Službu adekvatnim kadrovima, kao i da je od Vijeća ministara BiH

potrebno razumijevanje u smislu finansijske podrške, u dijelu sredstava koja se troše u vezi s povećanim brojem nelegalnih migranata. Sadašnja sredstva planirana u budžetu za tu namjenu nisu dovoljna.

Članovi Zajedničke komisije su tokom posjete istaknuli da podržavaju rad Službe za poslove sa strancima, a mišljenja su da Vijeće ministara BiH treba dati saglasnost za neophodnu kadrovsku popunu po terenskim centrima kao i da treba dodatno finansijski podržati rad Službe za poslove sa strancima, a sve s ciljem njihovog efikasnog odgovora na sigurnosne izazove koji su iz dana u dan složeniji i zahtjevniji.

**PREDSJEDAVAJUĆI KOMISIJE**  
**Sifet Podžić**

Dostavljeno:

- naslovu
- a/a